



Nuuk martsip 3-t 2020

Tusagassiorfitsigut nalunaarummut ilanngussaq

Februarip qiteqqunnerani Inuit nunaanni suliffeqarfiit naggueqatigiinnit Inunnit pigineqartut suliniaqatigiiffiat International Inuit Business Association pilersinneqarppoq. ICC-mit suliniutigneqarnerani suleqatigiissitat pilersinneqarput, ataatsimiinnermilu siullermi Alaska-mi, Canda-p avannaani nunatsinniillu naalakkersuisut sinniisaannik peqataasoqarluni.

Suliniaqatigiiffiup soqutigisaqarfiinut Chukotka (Rusland) aamma ilaavoq, tassanngaanniilli suliniuteqarnermut manna tikillugu peqataasinnaasoqanngilaq.

Suleqatigiissitani nunat pineqartut tamarmik marlunnik sinniisoqarput, taamatullu aamma ICC marlunnik sinniisoqarluni. Nunatsinniit Royal Greenland-imi pisortaq Jens K. Lyberth aamma Christian Wennecke, Greenland Business-imi pisortaq ilaasortaapput kiisalu Kuupik V. Kleist ICC-mit aallartitat aapparaat.

”Nunagisatsinni naggueqatigiit Inuit innuttaasullu kikkuunerinik paasinnittarneq assigiinngingaatsiarpoq,” Kuupik V. Kleist, oqarpoq, ”naammagisimaarparpulli suliniaqatigiiffiup malittarisassaani oqaasertaliigatta, suliffeqarfinnut Issittumi inuuniarnikkut atukkat pitsaanerulernissaannik Inuit najugaqarfigisaanni, tamanut ammasunngorlugu.”

Pilersitsinermi Jens K. Lyberth siulersuisuugallartuni siulittaasup tulliatut qirnerneqarpoq, taakkulu ilaatigut suliassarissavaat malittarisassat inatsisilerituunut misissortissallugit, aammalu ukiup ataatsip missaata qaangiunnerani ileqqusumik ataatsimeersuarnissamut siullermut aggersaassallutik.

”Maannamiit suliassatsinni pissanganartut ilaat aallartissinnaanngorpoq tassalu ilaasortassarsiorneq, taamaalilluta issittumi suliffeqarfippassuit attaveqatigiilernissaannik aqutissiuussisinnaagatta,” Jens K. Lyberth oqarpoq, ”Royal Greenland-imi suleqatiginnikkusunneq annertoq malugereerparput, qularutiginnilaralu suliniaqatigiiffik killeqarfiit akimorlugit immitsinnut qaninnerulernissatsinnut iluaqutaassasoq.”

Nunatsinni Naalakkersuisut pilersitsiniarnermi akuupput, ilaatigut Namminersorlutik Oqartussat suliffeqarfiutaasa peqataanissaannik kajumissarinikkut aammalu nunatsinni ICC-p sinniisuata angalaneranut tapiissuteqarnikkut.

”Greenland Business-imi IIBA inuussutissarsiortunut nunarsuarmi unammillersinnaanerulernissamut ikiuuttussatut isigaarput,” Christian Wennecke oqarpoq, ”upperaarput suliniaqatigiffimmi ilaasortaanikkut nunatsinni suliffeqarfiit pitsaassutsimikkut ilisarnaatigilissagaat aammalu ingerlatsinerminni isumassarsiorfigisinnaassagaat.”

Tusagassiorfitsigut nalunaarummi IIBA pillugu annerusumik paasisassarsiorsinnaavutit.

Attavigineqarsinnaasut:

Jens K. Lyberth
48 77 56

jely@royalgreenland.com

Kuupik V. Kleist
54 78 58

kvk@ggnuuk.gl

Christian Wennecke
56 23 78

christian@innovation.gl